

Grillplausch...

*...i de Waldhütte Neuenhof
am Sonntag, 23. August 2015*

Wenn es Briefli ladet zum Grille ii
Esch mer natürlich gern debii.
Zumal en Partner au döf cho
(was eigentlich esch immer so).
TgW het's organisiert
was hüt am Nomitag passiert.

Fliessigi Händ händ üsserscht gschickt,
es Büffee wunderbar bestückt.
Salat i viel'ne Variatione,
vo Händöpfel bis zu grüne Bohne.
Natürlich Souce au diversi
gänd im Salat s'spezielle Dressi.
Mineral, Süessgtränk, Bier oder Wii,
vo allem het's au g'nueg debii.

Über driessig Lütli händ sich troffe,
es paar sind sogar ufe g'loffte.
Jetzt git's Dankeswort an Die,
wo g'hulfe händ do irgendwie.
En chräftige Applaus zum Schluss
esch de Starschuss zu dem Partyg'nuss.

S'het eine denn am Grill hantiert
s Eint oder And'ri uusprobiert.
Denn aber het's guet funktioniert
und alli händ's gern destimiert.

Mer deckt sich gern am Buffet ii,
denn G'luschtig's ladet eim doch ii.
Z'Trinke schänkt mer sich no ii,
die Ältere meischt es Glässli Wii.



Feini Brotwurscht, Servela
Poulet und Steak hesch chönne ha.
Fein grilliert – en wahre G'nuss
nomol neh – esch fascht es Muss.

Dessert vom Feinschte muesch fascht neh
us dere Uswahl wo's het geh.
En Kaffi het's au mit Gügeli g'ha
so viel wie d'wotsch hesch chönne ha.

D'Hütte esch g'füllt mit Stimmig pur
mer vergisst jetzt Zyt, lueg't ned uf Uhr.
G'muetlich sitzt mer so am Tisch
verzellt – was denn so g'loffe isch.

Noch em Foifi bricht mer langsam uuf
die illuscht'ri Rundi löst sich uuf.
Mer seit sich Tschüss und freut sich scho
uf de nächschi Aalass wo duet cho.

Chum send alli Lüt verschwunde
hesch im Facebook Bilder g'funde.
Det chasch es jetzt für ewig g'seh
was au no lauft i de TgW.

Mit erinnerigswürdige Grüess
Rolf

